

গৃহপাঠ্য পুস্তকাবলী ।


# THE GIPSY GIRL.

বেদিয়া বালিকা ।

(ঐতিহাসিক উপন্যাস ।)

শ্রীউমেশচন্দ্র)দত্ত সঙ্কলিত

শ্রীআশুতোষ ঘোষ দ্বারা প্রকাশিত ।



কলিকাতা

২১০/১ কর্ণওয়ালিস ষ্ট্রীট, ভিক্টোরিয়া প্রেসে

শ্রীভুবনমোহন ঘোষ দ্বারা মুদ্রিত ।



## মুখবন্ধ ।


‘বেদিয়া বালিকা’ কারা-কুম্বিকার ন্যায় একটা ফরাসী উপন্যাস অবলম্বনে লিখিত । ইহার আগা গোড়া ভেল্কীর কাণ্ড । সহৃদয় পাঠক ! ইহা পড়িতে আরম্ভ করিলে শেষ না করিয়া ছাড়িতে পারিবে না, স্মতরাং ইহার সম্বন্ধে অধিক ভণিতা করা বাহুল্য । সংক্ষেপে এই বলা যায়, ইহা পড়িতে পড়িতে যত হাসিতে চাও, হাসিবে; কাঁদিতে চাও, কাঁদিবে । কিন্তু এই হাসির মধ্যে দুঃখ এবং কান্নার মধ্যে সুখ আছে, তাহা না হইলে ভেল্কীর কাণ্ড হইবে কেন ? আর একটা কথা এই, সকল ভেল্কী অপেক্ষা ধর্মের ভেল্কী অধিক আশ্চর্য্য । লোকে ইহা দেখে না, কিন্তু ইহা বড় সত্য । বেদিয়া-বালিকা ইহা সপ্রমাণ করিবে । ‘ঈশ্বরের আশ্চর্য্য কোশলে নরকের মধ্যে স্বর্গের পুষ্প প্রস্ফুটিত হয় এবং সাধুতার পরিণাম সুখকর’ এই মহা সত্যটী এই ক্ষুদ্র উপন্যাস পাঠে যদি কাহারও হৃদ্যগত হয়, তাহা হইলে ইহার প্রচারের উদ্দেশ্য সফল হইবে ।

নামাবোধিনী কার্য্যালয়  
মাঘ ১২৯০

}

প্রকাশক ।





## প্রথম অধ্যায় ।

১৬৩৫ খৃষ্টাব্দে ইষ্টার \* পর্বোপলক্ষে প্যারিস নগরের এক ধর্মমন্দিরে বহুলোকের সমাগম হইয়াছিল, তন্মধ্যে অনুমান দ্বাদশ ত্রয়োদশ বৎসরের একটি বালিকা কোথা হইতে আসিয়াছে দৃষ্ট হইল। তাহার রূপ অতি সুন্দর, আবার মুখশ্রী এমনি শান্ত ও প্রফুল্ল, যে তাহাকে দেখিয়া না ভাল বাসিয়া থাকা যায় না। কন্যাটির বেশ দীন হীনের ন্যায়, শতছিন্ন বস্ত্রে শরীর আচ্ছাদন হওয়া ভার, তথাপি তাহার স্বাভাবিক এমনি লজ্জা ও শীলতা, যে সেই ছিন্নবস্ত্রে যত্ন পূর্বক দেহখানি আবৃত করিয়া উপাসনা য মগ্ন রহিয়াছে। উপাসনা শেষ হইয়া গেলেও বালিকা মন্দির পরিত্যাগ করিল না। ইতিমধ্যে তাহার ন্যায় মলিনবেশধারিণী তদপেক্ষা কিঞ্চিৎ অধিকবয়স্কা আর একটি বালিকা দ্বারদেশে উপস্থিত হইল। সে পদাঙ্গুলির উপর ভর দিয়া হাঁটিতে হাঁটিতে আস্তে আস্তে অগ্রসর হইতেছিল, বোধ হইল যেন পবিত্র স্থানে সাহস

---

\* খৃষ্টানেরা বিশ্বাস করেন, খৃষ্টকে কবর দেওয়া হইলে তিন দিন পরে তিনি সশরীরে গোর হইতে উঠিয়া স্বর্গে গিয়াছিলেন। এই ঘটনা স্মরণার্থে যে পর্ব্বাহ, তাহাকে ইষ্টার বলে।

করিয়া অগ্রসর হইতে পারিতেছে না। কিন্তু পূর্বোক্ত বালিকাকে হঠাৎ দেখিবামাত্র সে তাহার নিকট দৌড়িয়া গেল এবং ব্যগ্রতা সহকারে তাহার কক্ষ ধারণ করিয়া বলিল, “আলিস্! তুমি প্রতক্ষণ ধরিয়া কি করিতেছিলে?”

প্রথমোক্ত বালিকা বিনীত স্বরে উত্তর করিল “সারা! একটু চুপ কর।” দ্বিতীয় বালিকা সে কথায় মনোযোগ না করিয়া বলিতে লাগিল “তোমার তরে লোকজন নানা-স্থানে খুঁজিয়া বেড়াইতেছে। বুড়া মা এখনো পর্য্যন্ত তোমাকে ডাকিয়া বেড়াইতেছেন। আজি ফিরে চল, তুমি যদি মার না খাও, কি বলেছি।”

আলিস্ বলিল “ভাই! যা কপালে আছে হইবে। বাহাতে সকল প্রকার কষ্ট যত্নগা ধীরভাবে বহন করিতে পারি, তজ্জন্য ঈশ্বরের কৃপা ও বল প্রার্থনা করিতেছি।”

সারা গম্ভীরপ্রায় স্বরে বলিল “আলিস্! কিছু দিন হইল তোমার কি হইয়াছে বলিতে পারি না। আমাদের আর সকলের ন্যায় খেলা বা ভিক্ষা করিতে না গিয়া তুমি আনাচে কানাচে যেখানে পাও, সেই খানে কাঁদিতে ও উপাসনা করিতে বসো, আর আমার কাছে সাত সতর এক কাহণ কি কথা বল আমি তার মাথামুণ্ডে কিছুই বুঝিতে পারি না।”

আলিস্ বলিল “ভগিনি! আমরা বেদিয়া বালিকা কতদূর দুর্ভাগ্য যদি তুমি জানিতে!”

সারা উচ্চৈঃস্বরে হাসিতে লাগিল, আলিস্ তাহাকে থামাইবার জন্য হাত দিয়া তাহার মুখ চাপিয়া ধরিল।

একটি প্রাচীন গোচের স্ত্রীলোক ধর্ম্মন্দিরে অপেক্ষা করিয়াছিলেন এবং তাঁহার পরিচ্ছদ দেখিয়া বোধ হইল কোন ধনী পরিবারের প্রধানা পরিচারিকা হইবেন, তিনি ক্রুদ্ধ হইয়া বলিলেন “ভিখারিণী বালিকা! ধর্ম্মন্দিরে বই আর তোদের হাসিবার কি স্থান নাই?”

সারা ঋষির ন্যায় কোমল স্বর ধরিয়া বলিল “মা ঠাকুরন্! হাস্য করা যদি ঈশ্বরের বিরুদ্ধ কার্য্য জানিতাম, তাহা হইলে কখনই হাসিতাম না।”

পরিচারিকা নাকে চসমা আঁটিতে আঁটিতে বলিলেন “তুই বেটা কপটা।”

আলিস্ মৃদুস্বরে বলিল “সারা! তুমি ভাই ভাল কাজ করিতেছ না, না না, এ ভাল নয়। তুমি যদি উপাসনার সময় থাকিতে, শুনিতে আচার্য্য উপদেশ দিতেছিলে—”

সারা তাহাকে থানাইয়া বলিল “সত্যি বলিতেছি, আলিস্! তুমি যদি এইরূপ করিয়া বেড়াও, কেউ আর তোমাকে বেদিয়া বালিকা বলিয়া বিশ্বাস করিবে না। কিন্তু জেনো, তোমার চেয়ে তোমার বিষয় আমি অধিক জানি। যাহঁউক, তোমার রকম সকম দেখে তোমাকে আর বেদিয়া কন্যা বলিয়া আমার বোধ হয় না।”

আলিস বলিল “ঈশ্বরেরায়া তোমার বাক্য সত্য হইলে কত আনন্দের বিষয় হইত! কিন্তু অমন কথা কি দেখে বলিলে?”

“তোমার আচরণ দেখেই। আমাদের আর আর সকলের মত তোমার পোশাক বটে, কিন্তু তোমার গার

জামাটা যদিও ছিন্ন ভিন্ন, তথাপি অপরিষ্কার নয়। আমাদের চেয়ে তোমার চুল ভাল করিয়া গোচান। আমার নিশ্চয় বোধ হয় তুমি দুই চারি দিন অন্তর চিরুনি দিয়া চুল আঁচড়াইয়া থাক।”

আলিস বলিল “সারা! আমি প্রতিদিন চুল আঁচড়াই।”

সারা উত্তর করিল “ভাল বলেচ, আমি যা মনে করেছিলাম, তার চেয়েও বেশী। তবে তুমি দিনের মধ্যে কবার যে মুখ হাত ধোও, বলিতে পারি না।”

আলিস্ মৃদুস্বরে বলিল “দুবার মাত্র।”

সারা। “এই বই নয়? আর কবার তোমার ইচ্ছা? আমি নিশ্চয় বলিতে পারি আমাদের রাজমহিষী ঈহার চেয়ে অধিকবার পরিষ্কার হন না। না, না, যার চোক কান আছে সে তোমাকে কখনই বেদিয়া বালিকা বলিয়া চিনিতে পারিবে না।”

ছুঃখিনী আলিস বিষণ্ণ ভাবে বলিল “হা! জগদীশ্বর যদি তাই করিতেন!”

সারা বলিল “আর কথায় কাজ নেই, এখন যত শীঘ্র পারি আইস ‘ভেল্কীর মাঠে’ ছুটিয়া যাই। বুড়া মা যদি জানিতে পারেন এতক্ষণ আমি ধর্মমন্দিরে ছিলাম, তিনি নিশ্চয় বলিবেন তুমি আমাকে নষ্ট করিতেছিলে। আলিস্! সত্য বলিতেছি যে পর্যন্ত তুমি আমাকে উপদেশ দিতে আরম্ভ করিয়াছ, সমস্ত দিন যখনি তোমার কাছে থাকি, রাত্রে যখন একত্রে তৃণ-শয্যায় নিদ্রা যাই, দেখি



তুমি কাঁদিয়া কাঁদিয়া বুক ফাটাও, আর সেই অবধি আমিও কাজের বাহির হইয়া পড়িয়াছি। তোমার দয়াময় পরমেশ্বরের এত কথা আমার মাথায় সাঁধ করিয়া দিয়াছ, যে আমি এখন যে কাজ করিতে যাই ভয় পাই।”

“ও সারা! তাঁর বিষয় চিন্তা করে দুঃখ ভিন্ন আর কিছুই করিতে আমার ভয় হয় না। আমি জানি তাঁর মত দয়াময় আর কেউ নাই। আমি যখন যে দুঃখ কি ভয় পাই, তাঁর কাছে বলি আর তিনি আমাকে অভয় দেন। আমি অনাথ অজ্ঞান বালিকা, আমি নিজে পড়িতে জানি না। কিন্তু যে দিন ধর্মোপদেশক শাস্ত্রহইতে ঈশ্বরের দয়ার কথা আমার কর্ণে প্রথম শুনাইলেন, সেই দিন হইতেই আমার মন আমাকে বলিল ‘তুমি পাপের পথে সুখী হইতে পারিবে না।’ এ এক বৎসরের কথা বলিতেছি।”

সারা বলিল “তুমি একথা আমাকে ঢের বলিয়াছ। এস, এস, বড় বিলম্ব হইতেছে, আমি নিশ্চয় বলিতেছি আজ আমরা মার খাবই পাব। দৌড়িয়া আইস।”

মন্দির হইতে বহির্গমন সময়ে তাহারা সেই বৃদ্ধ স্ত্রীলোকটির পাশ দিয়া যাইতেছিল। তিনি বার বার জামার ভেবে হাত দিয়া খুঁজিতে খুঁজিতে বলিলেন “আমার রুমাল কোথায় গেল? আমি দিব্য করে বলিতে পারি আর কেউ নয়, এই ছুঁ ছুঁ ডীরা চুরি করেছে।”

আলিস্ দেখিতে পাইল একখানি চক্চকে রাঙা রুমাল মেজেতে পড়িয়া রহিয়াছে। বলিল “মা ঠাকরুন! ভুল

হইয়াছে, এই যে রুমাল এখানে ফেলিয়াছেন।” ইহা বলিয়া তাঁহাকে কুড়াইয়া দিল।

“আমার বড় সৌভাগ্য, কেউ লয় নাই। বাছা ! তুমি বেশ মেয়ে।” ইহা বলিয়া বৃদ্ধা চলিয়া গেলেন।

সারা অক্ষুট স্বরে বলিল “আলিস্ ! তুমি কি নির্বোধ ! তুমি যদি দেখিতে পাইলে ত আবার বুড়ীকে দিলে কেন ?”

আলিস বলিল “ও যে উহার সামগ্রী, আমারত নয়, তাই দিলাম।”

## দ্বিতীয় অধ্যায়।

বালিকাদ্বয় যত বেগে পারিল ছুটিয়া ছুটিয়া একটা মাঠে উপনীত হইল, ইহা মাকাতার সময় হইতে ভেলকীর মাঠ বলিয়া প্রসিদ্ধ। ইহা একটা গলির মত দীর্ঘ, কর্দমময়, জঞ্জালপূর্ণ, তাহার দুধারে অন্ধকারাবৃত জঘন্য মেটে ঘর সারি সারি প্রসারিত। বালিকা দুটীকে দেখিয়া বোধ হইল, তাহারা এস্থানের সহিত উত্তমরূপে পরিচিত ; ভূমির সহিত যে কুটার গুলি মিশাইয়া ছিল, তাহারা অনায়াসে তন্মধ্যস্থ একখানিতে গিয়া প্রবেশ করিল।

বালিকা দুয় চৌকাট মাড়াইবা মাত্র কতকগুলি বিকলাঙ্গ অন্ধ, খঞ্জ, মহা আনন্দ প্রকাশ করিল। এই সকল লোক কে ? ইহারা ইতিপূর্বে নানা প্রকার কৌশলে পীড়িত ও আতুরের অসংখ্য ছদ্মবেশ ধরিয়াছিল, এখন সেই গুলি খুলিয়া গা বাড়িয়া উঠিতেছে। ইহাদের কাহাকে দেখিয়া

বোধ হইতেছিল কাঠের পা ভিন্ন তাহার চলা অসম্ভব, এখন সে সেই পা শূন্যভরে ছুড়িয়া ফেলিতেছে ; কেহ আপনাকে জন্মান্ন বলিয়া ঈষ্টগুরুর দিব্য করিয়াছিল, এখন নিদ্রাভঙ্গ ব্যক্তির ন্যায় মুদিত চক্ষু খুলিতেছে ; কেহ ভাঙ্গা পার বন্ধন মোচন করিতেছে ; এবং কেহ রঙ মাখিয়া আপনাকে মুমূর্ষু প্রায় দেখাইয়া ভিক্ষা সংগ্রহ করিতেছিল, এখন গাত্র পরিষ্কার করিয়া শরীরের দিব্য কাণ্ডি পুষ্টি বাহির করিতেছে । ফলতঃ যে ব্যক্তি প্রাতঃকালে মাঠের ধারে দাঁড়াইয়া দলে দলে কানা গোড়া কুঁজো বুড়োলোক বাহির হইতে দেখিয়াছেন, তিনি এখন তাহাদিগকেই সবল সুস্থকায় সুবাপুরুষ মূর্ত্তি ধারণ করিতে দেখিলে এস্থান যে বথার্থই ভেল্কীর মাঠ তাহা অনায়াসে বলিবেন । যাহাহউক বালিকাদ্বয় অত্রত্য লোকদিগের এইরূপ রূপান্তর দেখিয়া কিছু মাত্র আশ্চর্যান্বিত হইল না । দ্বারের নিকটবর্ত্তী লোকেরা তাহাদের আগমন বার্ত্তা প্রকাশ না করে এইরূপ সঙ্কেত করিয়া তাহারা আশ্বে আশ্বে ভীরুভাবে গৃহের এক কোণের দিকে চলিয়া গেল ।

গৃহটা এরূপ অন্ধকারময় যে বাটীর সম্মুখ দ্বার না খুলিলে তন্মধ্যে কিছুমাত্র আলোক প্রবেশ করিতে পারে না । এক্ষণে তাহার মধ্যে একটা বৃহৎ উনান জলিয়া উঠিল এবং তদুপরি বৃহদায়তন একখানি কটাহ দৃশ্যমান হইল । একজন বৃদ্ধা স্ত্রীলোক তাহাতে একখানি বৃহৎ ডালের হাতা নাড়িতেছিল এবং বক্ বক্ করিয়া বকিতেছিল । গৃহমধ্যে ইতস্ততঃ ভগ্ন-পদ টেবল সকল ভোজনার্থ সজ্জিত হইতেছিল ।

আর একটা বৃদ্ধা খণ্ড খণ্ড করিয়া রুটীর নেচি কাটিতে-

ছিল, তাহাকে ডাকিয়া পাচিকা রমণী বলিল “ফ্রাগার্ড !  
বালিকাদ্বয় কি এখনো আসে নাই!”

তিনি বলিলেন “বন্ধুচিনি ! আমি তাহা কি প্রকারে  
জানিব ?”

ক্লান্ত পক্ষাঘাত রোগ-মুক্ত এক যুবা বলিল “উহারা দুই  
ঘণ্টাকাল এখানে আছে, ওদের মত ভাল বালিকা কে  
আছে ?” বালিকারা চুপ করিয়া থাকাতে এটা যে মিথ্যাকথা,  
কেহ টের পাইল না।

“তবে তারা কেন এদিকে দেখা দেয় না ? তারা আজ  
থাবাব মত কি রোজকার করেছে ?” দুই বুড়ী এককালে এই  
বলিয়া চিৎকার করিয়া উঠিল।

বালিকাদ্বয় কাঁপিতে কাঁপিতে সন্মুখে উপস্থিত হইল।

দুই বৃদ্ধা দুটা বালিকার হাত ধরিয়া টানিয়া কাপড় ঝাড়া  
দিয়া বলিল “তোদের হাতে যে কিছু নাই, জামার জেবেও  
কিছু নাই।”

বালিকাদ্বয় সাশ্রনরনে বলিল “বাস্তবিক, কিছুই নাই।”

দুই বুড়ী কৰ্কশস্বরে বলিল “ভাল ভাল, আজিকার আহা-  
রের ভাগও বাঁচিয়া গেল। কাজও বন্দ—আহারও বন্দ।”

উপস্থিত বেদিয়াদিগের মধ্যে অনেকে বালিকাদিগের  
সপক্ষতা করিয়া বলিতেছিল এবং বৃদ্ধাদ্বয়ও ক্রোধে তর্জন  
গর্জন করিতেছিল, এমত সময়ে সকল গোলমাল থামাইয়া  
“চুপ্” এই কথাটা হঠাৎ ধ্বনিত হইল। যেমন এই শব্দ  
হইল, অমনি যেন ঐন্দ্রজালিক প্রভাবে সমস্ত কোলাহল  
নিস্তব্ধ হইয়া গেল।

## তৃতীয় অধ্যায় ।

যে লোকটী “চুপ্” এই কথা বলিয়াই তৎক্ষণাৎ সমদয় গোলমাল থামাইয়া গৃহটী গভীর নিস্তরক ভাবে পূর্ণ করিলেন, তিনি দেখিতে একটী বেশ বৃদ্ধ মনুষ্য, দীর্ঘ লম্বমান শ্বেতশ্মশ্রুতে তাঁহার বদন মণ্ডল শোভিত হইয়া দর্শকের মনে সহজে ভক্তি ভাবের উদ্রেক করিয়া দেয়, তাঁহার জামার একটা হাতা হাতের বাহিরে ঝুলিয়া আছে এবং একখানি পা মুড়িয়া একটী কাষ্ঠ দণ্ডের উপর সংস্থিত রহিয়াছে । যাহা হটক সেই নিস্তরকভাষক বাক্যটী উচ্চারণ করিয়াই ছদ্মবেশী বৃদ্ধ তাঁহার কাষ্ঠপদ একদিকে ফেলিয়া দিলেন, পরচলা খুলিয়া রাখিলেন, হাতে জামা ঠিক করিয়া পরিলেন এবং এক টেবিল লইয়া বসিলেন । পবে টেবিলের উপর এক মুষ্টি প্রহারে সমস্ত গভটী শব্দারমান করিয়া বলিলেন—“সব চুপ্ । আমার খাবার আন এবং আমার কথা সকলে শোন । আমরা হত হইলাম, আমাদের সর্বনাশ উপস্থিত ।” তাঁহার এ ভণিতাটী বড় ভরসা-জনক নয় এবং সকলে একমনে তাঁহার কথা শুনিবার জন্য কান পাতিয়া রহিল ।

তিনি পুনরায় বলিলেন “আমি এখনি বলিতেছি । আমার আহাৰটা আন, ইহা না জুড়াইতে জুড়াইতে আমার বলা শেষ হইবে । ‘অদ্য ১৬৩৫ অব্দের ৫ই মে আমাদের রাজ্যেশ্বর ত্রয়োদশ লুই মহাসভাতে লিখিয়া পাঠাইয়াছেন আদেশ যাইতেছে যে বেদিয়া ব্যবসায়ী হষ্ট পুষ্টাঙ্গ ভিক্ষুক,

নাম কাটা সিপাই প্রভৃতি লক্ষীছাড়া ভিক্ষাজীবী লোক  
যাহারা আপনাদের বিশেষ বৃত্তান্ত বলিতে না পারিবে,  
তাহাদিগকে অবিলম্বে অবরুদ্ধ করিবে এবং বিনাবিচারে  
জাহাজের দাঁড় টানিতে পাঠাইবে।’ এখন বাবাজীরা  
দেখিতে পাইতেছ, এই গুরুতর দলিল খানিতে মহারাজ  
আমাদিগেরই প্রতি কটাক্ষ করিয়াছেন !”

তাঁহার শ্রোতাদিগের মধ্যে অধিকাংশ ব্যস্ত সমস্ত হইয়া  
দাঁড়াইয়া উঠিল, তখন পলাইবার জন্য হস্তের ষষ্টি খুঁজিতে  
লাগিল এবং বলিল “এখন আর উপায় নাই, পাটা পুঁটুলী  
লইয়া যত শীঘ্র পারা যায়, আমাদিগের দৌড় দেওয়া  
কর্তব্য।”

দলপতির ন্যায় প্রতীয়মান ব্যক্তি আবার বলিলেন ‘একটু  
থাম, এতদ্র ব্যস্ত হইবাব প্রয়োজন নাই, নিশ্চিত হইয়া  
অগ্রে প্রস্তুত অন্নগুলি গ্রাস কর। ভাই সকল ! তোমরা  
বেশ জানিবে, যতক্ষণ আমরা আপনার কোটে আছি,  
আমাদিগের ভয় করিবার কোন কারণ নাই। পুলিশের  
পেয়াদা হুঁক, আর জজ কমিসনর হউন, কাহারো ছুটা  
মাথা নাই যে দিন কি রাতের মধ্যে এখানে প্রবেশ  
করিতে ভরসা করে। আমি বেশ বলিতে পারি আমাদের  
ফাঁসী যাবার যেমন ইচ্ছা, অন্য ব্যক্তির এখানে আসিবারও  
তেমনি ইচ্ছা। যাহাহুঁক এই মাঠের মধ্যে আমাদের  
আবশ্যক সকল দ্রব্যত মিলিতে পারে না, সুতরাং আমা-  
দিগের বাহির হইতেই হইবে, অতএব আমাদিগকে পারিস  
মহানগরী পরিত্যাগ করিতে হইল। কিন্তু যদি যাইতে হয়,

বেদিয়ার মত কাজ করিয়া যাইতে হইবে, যতদূর পারাযায় আপনাদের লাভ এবং যারা আমাদিগকে ধৃত করিতে উদ্যত তাদের ক্ষতি আগে করিতে হইবে। ইহার একটা উপায় বলিতেছি। বারবির নামে একটা লোক পর্টারন হোটেলে বাস করে। সে রাজকোষ রক্ষক এবং তাহাকে সকলে ত্রয়োদশ লুইর 'কন্ট্রোলার অব ফাইন্যান্স' অর্থাৎ ধনাধ্যক্ষ নামে ডাকিয়া থাকে। এখন বাবা-জীরা! আমার মাথার ভিতর একটা মতলব ধড়্ ধড়্ করছে আর সেটা যে মন্দ তাও তোমরা বলিতে পার না। আমাদের প্রিয় ভূপতির নিকট হইতে তাঁহার ধনাধ্যক্ষের হাত দিয়া কিছু টাকা ধার করিতে হইবে অর্থাৎ আর কিছু নয়, যানাকালে আমাদের সঙ্গে কতকগুলি টাকার থলিয়া লইয়া যাইতে হইবে।”

মা বদ্রচিনী বলিলেন “বাবা! বেশ মতলব করেছ।”

অনেকে এককালে বলিয়া উঠিল “হাঁ ঠিক, জিয়ান বদ্র-চিনীর মতলব বড় পাকা হইয়াছে।”

তাহাদের মধ্যে কপিমুখ একটা বৃদ্ধ বসিয়াছিল, অন্যান্য সঙ্গীর গাঁটকাটা ব্যবসায়, কিন্তু বেদিয়াদিগকে আমোদিত করাই তাঁহার কার্য ছিল। তিনি বলিলেন “আচ্ছা বাবাজী, মতলবত করেছ, এখন কিরূপে তা সিদ্ধ হইবে, কাজটা কেমন করিয়া করা যাইবে বল দেখি?”

জিয়ান মুহূর্ত্তেক চিন্তা করিয়া বলিলেন “আমি সে বিষয়ও ভবিয়াছি। হোটেলটা প্যারিস নগরের এক নির্জন প্রদেশে সংস্থাপিত। আমাদিগের মধ্যে কাহারও যোগী, ঋষি,

মোহন্ত, বা তীর্থযাত্রী লোক সাজিয়া তন্মধ্যে প্রবেশ করা চাই। অতিথি বলিলেই হইবে, কেহ ফিরাইবে না। হোটেলের কোন না কোন স্থানে তাহার বাসস্থান নির্দিষ্ট হইবে। এখন সে দুই প্রহর রাত্রে কোন প্রকারে হোটেলের দ্বার খুলিয়া যদি তাহার সঙ্গিগণকে অভ্যর্থনা করিতে না পারে, তাহা হইলে তাহার চেয়ে বোকা আর পৃথিবীতে নাই। কেমন আমার মতলবটা বোধ হয় বড় মন্দ হয় নাই ?”

চারিদিক্ হইতে প্রতিধ্বনি হইতে লাগিল “মতলব বেশ হইয়াছে, কিন্তু আমাদের মধ্যে যোগী ঋষি কে সাজিবে ?”

জিয়ান বলিলেন “রও আমি দেখিতেছি।” পরে চারি দিকের সকলের মুখ এক এক করিয়া নিরীক্ষণ করিয়া বলিলেন, একটা বড় গোল দেখিতেছি, তোমরা সকলেই দেখিতে ছুমমন চেহারা, পাপের অবতার, যোগী ঋষির বেশ ধরিতে পারে এমন কেহ দেখি না। এমন একটা লোক চাই, বয়স অল্প, শাস্ত্র নিরীহ মানুষের বেশ ধরিতে পারে, মন গলানে কথা কহিতে পারে, অর্থাৎ একটা ভালমানুষের মত লোক আমি চাই, তা এর মধ্যে একজনও দেখি না। মা ফ্রাগার্ড বলিলেন “আলিস্ ভিন্ন আর কারকে আমিত ভাল মানুষ দেখি না।” চারিদিক হইতে— “হাঁ ঠিক হয়েছে।” আলিস্ আলিস্ আলিস্ বলিয়া ডাক পড়িয়া গেল।

দলপতি দৃঢ়স্বরে বলিলেন “আচ্ছা আলিসই মনোনীত হউক।” বালিকাটী এক কোণে খড়ের উপর বসিয়াছিল, স্নান মুখে ও কল্পিত শরীরে সশ্মুখে উপস্থিত হইল।



প্রসন্ন দৃষ্টিতে তাহার পানে কিছুক্ষণ তাকাইয়া জিয়ান বলিলেন “যেমন চাই, এ তেমনি বটে। দেখিতে সুশীল, হুঃখিনী—কিন্তু ভাল মানুষ, বেশ ভদ্র লোকের ন্যায় শ্রীছাঁদও আছে, ইহাকে দেখিয়া বনিদী বড় মানুষের মেয়ে হুঃখের অবস্থায় পড়িয়াছে বলিয়া লোকে ঠাওরাইতে পারে। আবার স্বরটাও কোমল ও ভীকু গোচের এবং সময় মতে চখের জলও টস্ টস্ করিয়া পড়ে। এর বয়স, হা! বারো বৎসরের মেয়েকে কে সন্দেহ করিতে পারে? সব ঠিক হইল, আলিস্ ভিক্কুর বেষ ধরিয়া বিলক্ষণ কাজ শুছাইতে পারিবে।”

বালিকাটির চক্ষু বড় বড় পশ্বে ঢাকা ছিল, এখন সে একবার ছুইটী বিশাল অক্ষি বিস্তার করিয়া জিয়ানের প্রতি চাহিয়া বলিল “কি কাজ?”

মা বক্রচিনী বিশ্রী ভাবে ঘাড় নাড়িয়া বলিলেন “আরে ছুঁড়ীটা দিন দিন যে ন্যাকার শেষ হইয়া যাইতেছে।”

অধ্যক্ষ বলিলেন “মা! আপনি বালিকাটিকে এমন কর্কশ বাক্যে ভৎসনা করিবেন না।” পরে তিনি মৃদুস্বরে বলিলেন “আলিস্ আমার কথা শুন। তোমার পোসাক বেশ আছে, আর কিছুই করিতে হইবে না। কিন্তু তোমার হাতটা কিছু বেশী পরিষ্কার। সকল বস্তু ছোঁবার জন্যে হাত তৈয়ার হইয়াছে, কিন্তু তুমি হাত ময়লা করিতে চাওনা এ পাগলামী কেন, আমি বুঝিতে পারি না। যা হউক আমার প্রতি তোমার এই অনুগ্রহটা করিতে হইবে, এখন হইতে সন্ধ্যা পর্যন্ত হাত ধুইও না, আর সকল

বিষয়ে তোমার যা আছে ঠিক আছে। কিন্তু এখন তোমার কথাটা একটু মনোযোগ দিয়া শোন। আজি সন্ধ্যার সময় একটু একটু অন্ধকার যেমন হইবে তোমাকে পোরচারন্ হোটেলের ফটকের কাছে গিয়া দাঁড়াইতে হইবে এবং তৎপরে—”

মা বক্রচিনী বলিলেন “জিয়ান! ওকে কোন কঠিন কাজের ভার দিও না। আলিস্ জন্ম-বোকা। দেখ এত-বড় হইল, কিন্তু এজন্যে একখানা হাতরুমালও চুক্ষি করিতে শিখিল না। আমি বেশ বলিতে পারি শিখাইবার বা সুযোগ পাইবার কোন অভাবে যে এরূপ হইয়াছে তাহা কখনই নহে।”

জিয়ান বলিল “তুমি যা বলিতেছ ঠিক বটে, কিন্তু যে উপায় বলিব তা ছবছরের মেয়েও অক্লেশে করিতে পারে। আলিস্! আমার কথা শুন, তোমার ঐ মলিন মুখটা বেশ কাজে দেখিবে। তুমি হোটেলের দ্বারে মরা মানুষের মত চুপ করিয়া থাকিবে, তুমি যাহাতে বাড়ীর ভিতরে যাইতে পার সে ভার আমার। কিন্তু একবার ভিতরে যাইলে—

আলিস্ বলিল “আচ্ছা, একবার ভিতরে যাইলে আমাকে কি করিতে হইবে?”

তোমাকে সদর দরজার চাবিটা কোথায় খুঁজিয়া লইতে হইবে। তার পর আমাদের তরে দরজাটা খুলিয়া দিবে। তোমাকে কেবল এই কাজটি করিতে হইবে।”

বালিকাটির কপাল দেশ পর্যন্ত জবাকুলের শ্রায় রক্তবর্ণ

হইয়া উঠিল । সে দৃঢ়তা সহকারে বলিল “আমি এমন কৰ্ম্ম কখনই করিব না ।”

দলপতি বলিলেন “কি ! তুমি মড়ার মতন ছুপ করিয়া থাকিতে পারিবে না ?”

আলিসের মনে একটা কিছু নূতন ভাব আসিল । সে বলিল “তা আমি পারি ।”

মা ফ্রাগার্ড বলিলেন “কিন্তু একবার ভিতরে গেলে দরজা খুলিতে পারিবে কি না ?”

“না, তা আমি কখনই পারিব না ।”

মা ফ্রাগার্ড দুঃখিনী বালিকাকে একটি মুষ্টি প্রহার করিবার জন্য হাত ছুড়িলেন, কিন্তু জিয়ান তাঁহার হাত ধরিয়া ফেলিলেন । আলিস্ কিন্তু কিছুমাত্র ভীত হইল না, যেখানে দাঁড়াইয়াছিল, সেইখানেই রহিল ।

অধ্যক্ষ বলিলেন “আলিস ! তুমি আমাদিগকে ভাল বাস না, যেহেতু আমাদের একটা উপকার করিতে সম্মত হইতেছ না ।”

আলিস আরো উত্তেজিত হইয়া উত্তর করিল “কেন আমি তোমাদিগকে ভাল বাসিব ? তোমাদের সহিত আমার কিসের সম্বন্ধ ? আমার কি এখানে যা আছে ? সমুদায় পৃথিবীতে আমার আপনার জন বলিবার কি কেহ আছে ? কেহ আমাকে পিতামাতার ক্রোড় হইতে চুরি করিয়া আনিল অথবা কুড়াইয়া পাইল ? আমি এ সকলের বিছুই জানি না, কিন্তু আমি জানি তোমরা ভয়ানক ব্যবসায়ের লোক, তোমরা চোর; বঞ্চক, মিথ্যাবাদী ও লুণ্ঠনকারী, তোমরা দিনের মধ্যে

প্রত্যেক মূর্ত্ত ঈশ্বরের বিরুদ্ধাচরণ করিতেছ, তিনি নিশ্চয়ই তোমাদিগকে শাস্তি দিবেন।”

একদল ভয়ঙ্কর দস্যুর সম্মুখে একটা ক্ষুদ্র বালিকা এরূপ ছঃসাহসী হইয়া তাহাদিগকে যৎপরোনাস্তি তিরস্কার করিল, ইহাতে এককালে চারিদিক হইতে শাপ, গালি, শাসানি, মার কাট্ বাক্য অবিশ্রান্ত বর্ষিত হইতে লাগিল। ছঃখিনী আলিস মনে করিল তাহার প্রাণ এখনি বিনষ্ট হইবে। তখন সে হাঁটু গাড়িয়া বসিল এবং কোমল পদ্মকলির স্ত্রীর স্কুমার হস্তদ্বয় মাথার উপরে তুলিয়া বলিতে লাগিল “তোমরা যদি আমাকে মারিতে উদ্যত হইয়াছ, দয়া করিয়া শীঘ্র শীঘ্র একবারে মারিয়া ফেল।” এই সময়ে বালিকা দেখিল কে একজন স্নেহভাবে তাহার গলা জড়াইয়া ধরিয়াছে। তখন সে অক্ষুট স্বরে বলিল “সারা! সরিয়া যাও, উহারা আমাকে মারিয়া ফেলুক। উহাদিগের সঙ্গে থাকা অপেক্ষা মরণ আমার পক্ষে শ্রেয়ঙ্কর।”

কিন্তু বোধ হইল দস্যু-দলপতি তাহাকে কেমন স্নেহের চক্ষে দেখিয়াছেন। নির্দোষিতা এবং হৃদয়ের বিশুদ্ধ ভাবের একটা আশ্চর্য্য অলঙ্কিত আকর্ষণ শক্তি, আছে, তাহাতে পাষণ হৃদয়কেও মুগ্ধ করে। গস্তীর নিনাদে সকলকে নিস্তব্ধ করিয়া তিনি জিজ্ঞাসা করিলেন “আলিন্ তুমি ঈশ্বরের কথা কিরূপে বলিতে শিখিলে? কে তোমাকে তাঁহার বিষয় বলিয়াছে? তাঁকে ভয় করিতে কে তোমাকে শিক্ষা দিয়াছে?”

“একজন ধার্মিক পুরোহিত আমাকে অনেক বার শিক্ষা

দিয়াছেন, তিনিই আমাকে শিখাইয়াছেন। ঈশ্বরের ন্যায়-পরতা ও দয়ার বিষয়ে কত সুন্দর সুন্দর কথা বলিয়া তিনি উপদেশ দিতেন।”

বক্রচিনী ব্যস্ত হইয়া বলিলেন “নিঃসন্দেহ তুই তবে তাকে এই দলের গুপ্ত কথা সকল বলিয়াছিস। বোধ হয় এই জন্মেই আমাদের সন্ধান লোক বাহির হইয়াছে।”

আলিস্ নম্র ভাবে বলিল “আমি তাঁকে আমার কথা ও আমার দুঃখের কথা ভিন্ন আর কিছুই বলি নাই।”

মা ফ্রাগার্ড বলিলেন “তার নিশ্চয় আমরা কেমন করিয়া জানিব?”

বালিকা সরল ভাবে উত্তর করিল আজি এক বৎসর তাঁর সঙ্গে আমার দেখাশুনা, আর তিনি প্রতিদিন ধর্ম্মন্দিরে আসেন, তাঁকেই জিজ্ঞাসা করুন।”

মা বক্রচিনী কথা থামাইয়া বলিলেন “এমন নির্কোষ জানোয়ার কি তোমরা কোন কালে দেখিয়াছ?”

অধ্যক্ষ বলিলেন “ও বালিকা নির্কোষই বটে। যা হউক, ইহার সহিত তাহার পরিচয় একবৎসর হইয়াছে এ তাহাকে আমাদের কথা বলিলে অনেক দিন অগ্রে আমাদের ফাঁসী কাঠে ঝুলিতে হইত, অতএব উহার কথায় বিশ্বাস করা ঘাইতে পারে। কিন্তু আলিস্! হাঁ কি না এক কথা বল। তুমি পোরচারন হোটেলে যাবে কি না যাবে?”

আলিস্ উত্তর দিতে না দিতে সারা বলিল “তোমরা কেন এত কাকুতি মিনতি করিতেছ? তোমরা একজন ধূর্ত চালাক বালিকা চাও, যে বেশ ছলনা করিতে পারে। আমি

তার বেশ পটু, এক ঘর পণ্ডিতকে ঠকাইতে পারি। আমাকে পোরচারন্ হোটেলে পাঠাইয়া দেও, দেখিবে দুই প্রহর রাত্রির পূর্বে তোমাদের তরে সমুদয় দ্বার উদ্বাটিত হইয়াছে।”

অধ্যক্ষ বলিল “ঠিক ঠিক।”

আলিস্ অস্পষ্ট স্বরে বলিল “সারা! তুমি এত ছরাখা কখনই হইবে না।”

সারা সেইরূপ মৃদুস্বরে বলিলে “চুপ কর, এ একটা বড় দাঁও, আমরা একবারে বড় মানুষ হইব।”

জিয়ান বলিল “সব ঠিক হইয়াছে। আমি সারাকেই মনোনীত করিলাম।”

ইঠাং আলিসের মনে কি ভাবের উদয় হইল, সে বলিল “না না, সারাকে নয়, আমাকে পাঠাইয়া দেও।”

মা বদ্ধচিনী বলিলেন “বালকেরা কি চমৎকার জীব। তারা সব সমান। তোমরা তাদের একটি কাজ করিতে বল, তারা কখন করিবে না। নিবারণ কর দেখি, তারা সকলেই তাহা করিতে আগে ছুটিয়া যাইবে।”

অধ্যক্ষ বলিলেন “আমি আলিস্কে অধিক মনোনীত করি। সে সারার চেয়ে দেখিতে ভাল মানুষ।”

মা ফ্রাগার্ড বলিলেন “ছুজনেই যখন যাইতে উৎসুক, ছুজনেই যাইলে কি হয় না?”

আলিস্ কিছু বলিতে যাইতেছিল, কিন্তু থামিয়া গেল। সারা আহ্লাদে করতালি দিয়া বলিল “আচ্ছা আচ্ছা, তাই হউক।”

## চতুর্থ অধ্যায় ।

পোর্টারন হোটেল বহু প্রাচীন কালের একটি বৃহৎ অট্টালিকা । একাদশ লুই ১৪৬১ অব্দের ১৪ই আগষ্ট রিম্স নগরে সিংহাসনাভিষিক্ত হইয়া যখন প্যারিস মহানগরীতে সমারোহে প্রবেশ করেন, তখন ঐ মাসের সংক্রান্তি দিবসে এই অট্টালিকায় বাস করেন । আমরা যে সময়ের কথা বলিতেছি, তখন ফরাসী মহারাজের রাজস্বমন্ত্রী বাববীর এখানে বাস করিতেন ।

যে দিবস ভেলকীর মাঠে পরামর্শ স্থির হয়, সেই দিবস সন্ধ্যাগমে যেমন সায়ংকালীন ঘণ্টা ধ্বনি হইল, অর্ঘনি হোটেলের সম্মুখ দ্বারের কপাটে উচ্চ আঘাত শব্দ হইতে লাগিল ।

আমরা ইতিপূর্বে ধর্ম্মমন্দিরে একটি বৃদ্ধা স্ত্রীলোকের উল্লেখ করিয়াছি, তিনি এই হোটলে থাকিতেন এবং গল্প গাছা করিবার জন্ত কখন কখন দ্বারবানের গৃহে বার দিয়া বসিতেন । তিনি দ্বাররক্ষককে ডাকিয়া বলিলেন “জাকবন্দ ! দ্বার খুলিও না, দ্বার খুলিও না ; এমন অসময়ে দ্বারে আঘাত আমার জো ভালর লক্ষণ বোধ হয় না ।”

দ্বাররক্ষক বলিল “ মার্চুরিণি ! মন্দলোকে আর দ্বারে আঘাত করে না, সাড়া না দিয়াই গৃহে প্রবেশ করে । বোধ হয় আমাদের ছোট মনিব হইবেন । এখন হুদ ৭টা, ৭।০ টা রাত্রি, যুবকেরা সকল দিন এত সকাল সকাল বাটী আসে না ।

কর্ফিউ\* ঘণ্টা বাজিলে ঘরে যাইতে হয়, কবাট বন্ধ করিতে হয় ; আঙণ ও আলোক নিবাইতে হয় বটে, কিন্তু তাহার মনে করে এই সময়েই গৃহ হইতে বাহির হইবার সময়। তাঁহার কথা শেষ না হইতে হইতে মাঠুরিনি বলিলেন “যারা ঠিক সময়ের পরে আসে, তাদের তরে দরজা খুলো না।”

দ্বাররক্ষক এবার একটু গম্ভীর ভাবে বলিল “যথার্থ, এখন ও যে দরজায় যা দিতেছে।”

এই সময়ে বাটির মধ্যে একটি কুঠরির দরজা খুলিল। দীর্ঘাকৃতি পাণ্ডুবর্ণ অল্পবয়স্ক একটা যুবা (অধ্যয়ন, পরিশ্রম এবং বোধ হয় চিন্তাতে তাহার ললাটের মাংস লোল হইয়াছিল) চিৎকার করিয়া বলিলেন “জাক-বন্দ ! তুমি কালা না কি ? কে দরজা ঠেলিতেছে শুনিতে পাও না ?”

দ্বারবান্ গাত্ৰোখান করিয়া বলিল “কিন্তু মশাই এত রাত্রে কে আসিবে ?”

তিনি মৃদু অথচ দৃঢ়স্বরে বলিলেন “এখনি যাও এবং দেখ।” জাকবন্দ প্রত্যুত্তরের পথ না পাইয়া দরজার নিকট চলিল।”

মাঠুরিনি যুবকের প্রতি সম্মান প্রদর্শন পূর্বক বলিলেন “বাপু ! তুমি যে দিন ভূমিষ্ঠ হও, তোমাকে হাতে ধরে এই হাত সার্থক করেছি। এখন যদি আমার কথা শোন হো বলি এ অসময়ে ডাকিতে আর কেউ নয়, হয় কোন হাঘরী লক্ষীছাড়া লোক, নয় দস্যু-তাড়িত কোন ব্যক্তি।”

---

\* ফ্রান্সে এই ঘণ্টা বাজান প্রথা অনেক কাল হইতে প্রচলিত : বিজয়ী উইলিয়ম ইংলণ্ডে ইহার চলন করেন।



“যদি তা হয় যতদূর সাধ্য তাহার সাহায্য করা খৃষ্টান মাত্রেই কর্তব্য।”

বাহির হইতে এই শেষ কথা প্রতিক্রিয়া হইল “যত দূর সাধ্য তাহার সাহায্য করা খৃষ্টান মাত্রেই কর্তব্য।” দ্বার-রক্ষক দ্বার খুলিয়াই ‘ত্রাহি ত্রাহি’ করিয়া চোঁচাইয়া উঠিল।

গৃহস্বামী বারবীর এবং দুইটা স্ত্রীলোক এই সময়ে দেউড়ীর দিকে আসিতেছিলেন, জিজ্ঞাসা করিলেন “কি হইয়াছে? কি বিপদ হলো?”

দ্বারবান্ বলিল “আমি দুইটা বালিকাকে দেখিতেছি, একটি মরা, আর একটি প্রায় সেইরূপ। তাহাদিগকে বাটির ভিতর লইয়া যাইব কি না? আমাকে অনুমতি করুন।”

বারবীর বাহিরে গিয়া দেখিলেন দুইটা বালিকা অচেতন অবস্থায় ভূমিতে শয়ান রহিয়াছে। তখন রাত্রি ৮টা। এ ঋতুতে এ রাত্রে অধিক অন্ধকার হয় না, রাস্তার সকল বস্তু বেশ দেখা যায়। একটি বালিকার মুখশ্রী দেখিয়া বোধ হইল, তাহাতে অকৃত্রিম বিনয় ও পবিত্রতার ছবি যেন অঙ্কিত রহিয়াছে। বারবীর বলিলেন “আমার তো বোধ হয় না, এই বালিকাদের কেউ এত জোরে দরজায় ঘা দিয়াছিল।”

দ্বারবান্ বলিল “না মহারাজ! সে আর একজন লোক পথ দিয়া যাইতেছিল, আমি দরজা খুলিবা মাত্র এই কথা বলিতে বলিতে চলিয়া গেল ‘এই দুঃখিনী বালিকা

ছুটির কি হইয়াছে দেখ তো। সায়ংকালীন ঘণ্টা বাজিয়াছে, পারিসের রাস্তা নিরাপদ নহে, আমাকে তাড়াতাড়ি ঘরে যাইতে হইতেছে।’ কিন্তু এ বালিকা ছটিকে লইয়া কি করিব অনুমতি করুন ”

উহাদিগকে বাটির ভিতর আন এবং পরিচারিকারা উহাদের ভাল করিয়া তত্ত্বাবধান করুক।”

মাঠুরিণী বলিলেন “উহাদিগকে বাটির ভিতর আনিবেন! ভাল মহাশয়, আপনিত কিছু ভাবেন না। পারিসের রাস্তার যে সকল চুরি, জখমি, হত্যা প্রভৃতি ভয়ঙ্কর কাণ্ড হয় তা একবার মনে করিয়া দেখুন দেখি—”

“মাঠুরিণী! সেই জন্যত এই অনাথিনী বালিকা-দিগকে বিপদে ফেলা কখনই উচিত নয়।”

“কিন্তু মহাশয়! কে বলিল উহারা অনাথিনী বালিকা?”

বারবীব বিরক্ত হইয়া বলিলেন “বেটি! এদের পানে একবার চাহিয়া দেখিলেই যে তাহা বঝিতে পার।”

মাঠুরিণী আরো জেদ করিয়া বলিলেন “বাবা ঠাকুর! আপনার একটী দয়ার কার্যে ব্যাঘাত করিতেছি বলিয়া যদি কিছু মনে করেন আমাকে হাজার বার ক্ষমা করুন। কিন্তু আমি বলিতেছি বেদিয়ারা তাদের ‘কাঠের পার’ আঙ্গায় এরূপ অনেক কার্য করিয়াছে। এই হতভাগারা সকল বেশ ধরিতে পারে; তাহারা বৃদ্ধ, যুবা, কদাকার, সুন্দর, কুঁজো, খোঁড়া, কানা যা মনে করে তাই হতে পারে। বুড়া ঝির কথা রাখুন, আমাদের উপর এ কার্যের ভার দিয়া যান। উহারা বাহিরে থাকুক আমরা

উহাদিগকে মিঠাই মোণ্ডা বিছানা মাহুর যা আঙ্কা করিবেন দিতেছি, কিন্তু ঈশ্বরের দোহাই, উহাদিগকে বাটার ভিতর কখন আনিবেন না।”

“মা ঠাকরন, ঈশ্বরের দোহাই, পায়ে ধরি, আমাদিগকে রাস্তায় ফেলিয়া রাখিবেন না।” দুইটার মধ্যে বড় বালিকাটী অতি ক্ষীণস্বরে এই কথা গুলি বলিল। রাজস্ব-মন্ত্রী বলিলেন “জাকবন্দ! মাঠুরিণীর কথা শুনিয়া কাজ নাই, আমি যা বলি তাই কর।” এই কথা বলিয়া যে বালিকাটী এখন ও পর্যন্ত একটী কথা কয় নাই, তিনি তাহার হাত ধরিয়া বাটার ভিতর লইয়া চলিলেন। জাকবন্দ অপর বালিকাটীকে ধরিয়া তুলিল এবং প্রভুর পশ্চাৎ পশ্চাৎ গমন করিল। দ্বাররক্ষকের পত্নী বিড় বিড় করিয়া বকিতে লাগিল “ইহাদের কি বুদ্ধির ভ্রম।” মাঠুরিণী সায় দিয়া বলিতে লাগিল “তুমি ঠিক বলিতেছ, এ কি বিষম পাগলামী। ঈশ্বর করুন আমাদের মনিবকে যেন পরে এজন্য পরিতাপ করিতে না হয়।”

---

## পঞ্চম অধ্যায় ।

---

গৃহস্বামী বালিকা ছটাকে যথেষ্ট পরিমাণে আহার দিয়া যখন দেখিলেন তাহারা কিছু স্নৃষ্টিত হইয়াছে, তখন দ্বিষ্টাসা করিলেন “তোমরা কে ? কোথায় যাইতেছিলে।”

যে বালিকা পূর্বে মুখ খুলিয়াছে, সেই এখন উত্তর দিতে অগ্রসর হইল। সে বলিল “আমার ভগিনী আলিস্ এবং আমি দুজনেই অতি দুঃখী এবং পিতৃ মাতৃহীন, আমাদের পানে চাহিয়া দেখে এমন আত্মীয় বন্ধু পৃথিবীতে কেহ নাই। পাঁচ দোরে ভিক্ষা মাগিয়া আমাদের উদর পোষণ করি। দিনের বেলা আমরা রাস্তায় বেড়াই, রাত্রি হইলে যেখানে পাই নিদ্রা যাই, ধর্ম মন্দিরের বারাণ্ডায় এবং হাটের চালায় প্রায় আমাদের রাত কাটিয়া যায়। আজি সন্ধ্যাকালে নিতান্ত দুর্বল হইয়া পড়াতে আপনার দ্বারের বেশী দূর আর যাইতে পারিলাম না। আজি প্রাতঃ কাল হইতে আমরা কিছুই খাই নাই।”

সারা যতক্ষণ বলিতেছিল বারবীর আলিসের প্রতি সহৃদয়নে একদৃষ্টে চাহিয়াছিলেন, আর কোন দিকে পলক ফিরাইতে পারেন নাই। সে বালিকাটা মুমূর্ষু ন্যায় ম্লান মুখে মাথাটি হেঁট করিয়াছিল, দেখিলেই বোধ হয় কোন গভীর শোকে মগ্ন আছে; এবং সারা যেমন এক একটা কথা বলিতেছিল, তাহার অশ্রুপূর্ণ চক্ষু হইতে

বড় বড় জলের ফোঁটা গণ্ড স্থল বাহিয়া ঝরিতেছিল।  
এরূপ সুকুমার বয়সে নিস্তরু অথচ গভীর শোকের এ  
প্রকার ভাব দেখিয়া বারবীরের অন্তঃকরণ বিকল হইয়া  
উঠিল। তিনি মাঠুরিনীকে জিজ্ঞাসা করিলেন “ইহা-  
দিগকে কোথায় শয়ন করিতে দিবে?”

পরিচারিকা বলিলেন “তার জন্যে বেশী ভাবিত হইবেন  
না। আস্তাপোল, কি গোলাবাড়ী বাহিরের যেখানে হয়,  
একটা জায়গা হইলেই হইবে।”

“মাঠুরিনি! ইহারা একটু স্বচ্ছন্দে থাকিতে পারে,  
তোমার ঘরের নিকট এমন একটি কুঠারি কি নাই?”

সারা ব্যস্ত হইয়া বলিল “আস্তাপোলেই অনুমতি  
করুন, আস্তাপোলই বেশ হইবে, আমাদের ছই বোনের  
বিছানায় শোয়া অভ্যাস নাই।”

“মাঠুরিনি! যদি অনুগ্রহ করেন, কুঠারিতেই একটু  
স্থান দিন।” আলিস এই কথাটা এরূপ ব্যগ্রতার সহিত  
বলিল এবং বারবীরের প্রতি এরূপ বিষণ্ণ ভাবে চাহিল  
যে তিনি তৎক্ষণাৎ বলিলেন—

“আচ্ছা ছুঃখিনী বালিকা, কুঠারিতেই স্থান পাইবে।”

মাঠুরিনী বিজ বিজ করিয়া গোমরাইতে লাগিল “ই্যা  
আমার পাশের ঘরে রাখা হোক, প্রথমে আমার গলাটাই  
কাটা যাক!”

সারা জিজ্ঞাসা করিল “আপনার গলা কাটা যাবে  
এমন কথা কেন বলিতেছেন?”

স্ত্রীলোকটা উত্তর করিল “আমি কেমন করে জানিব,  
কেমন করে বলিব?”

আলিস নব্বতাব্দে বলিল “আ ঠাকুরানি! যদি আবা-  
দের উরে কোন ভয় হয়, ‘নব্বতাব্দ’ ফুলস অঁটিয়া দিন।”  
এই বলিয়া কাকুতিস্থচক দৃষ্টিতে সারার প্রতি কটাক্ষ  
করিতে লাগিল। সারা ভয়কর দৃষ্টিতে তাহার উপরে কট  
মট করিয়া চাহিতে লাগিল। বারবীর দুই বালিকার  
ভাব ভঙ্গী নিরীক্ষণ করিতেছিলেন, তিনি ইহার বর্ণ কিছু  
বুঝিতে না পারিয়া আশ্চর্য ও অবাক হইলেন। কিন্তু  
যখন দেখিলেন বহুক্ষণ পর্যন্ত উভরে পরস্পরের প্রতি  
কটাক্ষ বিনিময় করিতে লাগিল, একজন যত কাতরতা  
প্রকাশ করিতেছে, অন্যটা তত রুদ্ধভাবে দেখাইতেছে, তখন  
তিনি ইহার নিগূঢ় কারণ বাহির করিতে উৎসুক হইলেন।

তিনি বলিলেন “আচ্ছা, সহজেই এ বিষয়ের মীমাংসা  
করা যাইতেছে। যে কুলুপবন্দ বন্ধ থাকিতে চায়, সে তাহা-  
তেই থাকিবে এবং আব একজন আস্তাপোলে যাইবে।”

সারার সুবাসগুল প্রকুর হইয়া উঠিল, কিন্তু আলিস  
পূর্বাপেক্ষা আরও স্তান হইয়া গেল এবং যেন ভয় পাইয়া  
উচ্চৈঃস্বরে বলিল “বহাশর! এই দয়াটা করুন আমা-  
দিগকে ছাড়াছাড়ি করিয়া রাখিবেন না।”

বারবীরের যার পর নাই আশ্চর্য বোধ হইল। “আলি-  
সের উপরে তাহার দৃষ্টি একরূপ অচঞ্চল ভাবে আকৃষ্ট  
হইয়াছিল, যে তিনি এককালে মোহিত হইয়া গিয়া-  
ছিলেন।

মারুশিনী বলিল “আপনার এ ছোট ব্যক্তিকে দেখিয়া  
কি বোধ হয়?”

কারবীর কিছু চিন্তা করিয়া বলিলেন “বড় আশ্চর্য্য, বড় আশ্চর্য্য! আমার ঘোষ হুন্ এ. হুন্ আমার অপরিচিত নয় এবং ইহার স্বর পর্য্যন্ত আমার পরিচিত বলিয়া বোধ হইতেছে।”

পরিচারিকা বলিল “আমি এখন ইহাদিগকে চিনিতে পারিতেছি। এই দুই ভিথারিণী মেয়েকে আমি সর্বদা পোর্টারন্ ধর্ম্মন্দিরের দ্বারে দেখিয়া থাকি।”

কারবীর মাঠুরিণীকে বলিলেন “দেখ বি, ইহাদের উভরকে তোমার ঘরের কাছে যে কুঠারি আছে তাহাতে থাকিতে দেও এবং প্রাতঃকালে আমার সহিত দেখা না করাইয়া ইহাদিগকে ছাড়িয়া দিও না।” এই বলিয়া তিনি প্রস্থান করিলেন।

মাঠুরিণীকে প্রভুর কথা কাজেই শুনিতে হইল। তিনি একটি বস্তি জালিয়া লইয়া উভরকে পশ্চাৎ পশ্চাৎ বাইতে বা. • লন এবং অনেক সিড়ি ভাঙ্গিয়া চিমের ছাদে একটি ছোট কুঠাবিতে লইয়া গেলেন, তথায় একটি শব্দ্য দৃষ্ট হইল। পরিচারিকা আলোক হস্তে যেমন ফিরিয়া যাইবুর উদ্যোগ করিলেন, সারা বলিল “ঠাকুরাণি! আমাদিগকে কি অন্ধকারে রাখিয়া রাখিতেছেন?।”

পরিচারিকা বলিলেন “চন্দ্রোদয় হইয়াছে, তোরা আরও কি চাস?” এই বলিয়া তিনি কেনন ঘরের বাহির হইবেন জালিন্ সূহসরে হুন্ হুন্ করিয়া বলিল “আমাদের দরজার কুলুপ টা খাটাইয়া দিন?” একপ্রাণে আর কোন ফলোদয় হউক না হউক, মাঠুরিণী বিজাতীর দ্বারে একপ্রাণ আক্রান্ত হইলেন

বে আর সকল কথা ভুলিয়া গিয়া বস শীঘ্র পারিলেন ছুটিয়া  
আপনার শয়ন গৃহে প্রবেশ করিলেন ।

## ষষ্ঠ অধ্যায় ।

প্রাচীনা জীলোকটির পদবিচ্ছেদ শব্দ নিস্তকহইয়া মাত্র  
সারা বলিল “আলিস্ ! তুমি কি এইরূপে আমাদের সর্বনাশ  
করিতে চাও ?”

আলিস্ মুহূর্ত্তে উত্তর করিল “আমি বরং তোমাদিগকে  
রক্ষা করিতে চাই । আজি বা সাক্ষাৎ প্রত্যক্ষ করিলে,  
তাতে কি দেখিতে পাও নাই, এই গৃহস্থায়ী ভয় প্রদর্শন না  
করিয়াও মেহ ও প্রেম দ্বারা কেমন সকলকে আপনার বশী-  
ভূত রাখিয়াছেন ? তিনি আমাদের প্রতি কি সূচ্যবহার কি  
দয়ালুতাই প্রকাশ না করিলেন ! ইহাতে তোমার অন্তঃকরণ  
কি একটু ভিত্তে না ? ধর্ম্মের জন্য একটু স্পৃহা হয়  
না ? প্রতিদিন আমরা চতুর্দিকে যে সকল ভয়ানক কাণ্ড  
দেখি তৎপ্রতি কি ঘৃণা হয় না ?”

“সত্য সত্য আলিস্ আমি এখানে যদি থাকিতে পাই,  
আর ভেকীর মাঠে বাইতে চাহি না । কিন্তু তুমি বলিলে  
কি হইবে ? আমি বধন কর্তার নিকট অঙ্গীকার করি-  
য়াছি, দ্বার খুলিয়া বেদিরাদিগকে আসিতে দিব, তখন  
তুমি আমি করিবই করিব ।”



আলিস্ ব্যস্ত হইয়া বলিল, “না সারা! তুমি এত অধাৰ্মিক কখনই হবে না, তুমি এ কৰ্ম কখনই করিতে পারিবে না। রাত্রি প্রভাত হইবার পূর্বে আমাকে সঙ্গে না লইয়া তুমি যদি এই ঘর হইতে নড়, আমি চিৎকার করিয়া বাড়ির সমস্ত লোককে জাগাইব এবং সমুদয় বড়-বড় প্রকাশ করিব।” বালিকাটি কাতর হইয়া সারার পার পড়িল, তাহার হুই চক্ষু দিয়া অশ্রধারা বহিতে লাগিল এবং বলিল “আমাদিগকে উভয়কেই কি পিতা মাতার ক্রোড় হইতে কেহ হরণ করিয়া আনে নাই? যাতে তাঁহারা আমাদিগকে ফিরিয়া লইতে না চান, এমন কৰ্ম আমরা কখনই করিব না। আমার মনে লাগিতেছে, আমরা আবার পিতা মাতার দেখা পাইব। সারা! উপরে ঈশ্বর আছেন, ন্যায়বান্ দয়াময় ঈশ্বর, যাহারা তাঁহাকে অন্বেষণ করে এবং ভাল বাসে, তিনি তাহাদিগকে পুরস্কার করেন; কিন্তু সারা! আমি যেখানেছি তুমি আমার কথার কৰ্মপাত করিতেছ না?”

সারা ঠিক পূর্বের মত স্বরে বলিয়া “আমি দ্বার খুলিব বলিয়া অঙ্গীকার করিয়াছি।”

আলিস্ বলিল “তুমি করিবার অঙ্গীকার পালন করিতে নাই।”

সারা এক গুঁয়ে হইয়া বলিতে লাগিল “আমি অঙ্গীকার করিয়াছি এই মাত্র জানি।” আলিস্ তাহার গোঁয়ায়ামিতে এককালে হতাশ হইয়া গবাকের দিকে দৃষ্টিপাত করিল এবং কিছুক্ষণ তাহার বাহিরের দিকে চাহিলে

লাগিল, মনে মনে চিন্তা করিতে লাগিল সারাকে দোষী না করিয়া কি প্রকারে দোষের কাজটা নিবারণ করা যাইতে পারে ? ভূমি হইতে গৃহের উচ্চতা দেখিয়া মনে করিল শয়ন গৃহ হোটেলের তৃতীয় তলে, চতুর্দিকস্থ প্রাচীর সকল এত উচ্চ যে দ্বার ভিন্ন অন্য কোন পথ দিয়া কেহ বাটামধ্যে প্রবেশ করিতে পারে না। বারংবার দেখিয়া স্থির নিশ্চয় হইয়া গৃহটা পরীক্ষা করিতে লাগিল। ঘরটা সঙ্কীর্ণ ও ক্ষুদ্র, আসবাবের মধ্যে বিছানাটা, সারা শুষ্কপরি শয়ান। একটি গবাক্ষ এবং মাঠুরিণী যে দ্বার খুলিয়া গিয়া ছিলেন, তন্নিহ্ন বাহির হইবার অন্য পথ নাই। আলিস্ একবার শেষ চেষ্টা দেখিবার জন্য সারার দিকে ফিরিল— বলিতে লাগিল “সারা! স্মরণ করিয়া দেখ পরমেশ্বরের চক্ষু সর্বত্র রহিয়াছে, তিনি পাপ পুণ্য সকলি দেখিতেছেন। তিনি এই গৃহস্থামীর সকল সাধুতা দেখিতেছেন এবং আমরা তাঁহার বিরুদ্ধে যে পাপ করনা করিতেছি তাহাও জানিতেছেন। - যিনি আমাদেরকে এত দয়া করিলেন, তুমি তাঁহার প্রতি কৃতজ্ঞতা ও দয়া প্রদর্শন করিতে যদি না পার, আমার প্রতি দয়া কর, তোমার আপন আশ্রয় প্রতি দয়া কর”।

সারা ঘুমাইয়া পড়িতেছিল, এখন আলিসের মুখের উপর একবার মাতালের মত তাকাইল। আলিস্ দেখিল তাহাকে নোঙাইবার আর চেষ্টা করা বৃথা, তখন কিছুক্ষণ পূর্বে তাহার মনে যে একটি উপায় সঞ্চার করিতেছিল তাহাই স্মরণ করিতে দৃঢ়প্রতিজ্ঞ হইল। সারা তাহা—

ভাবে যখন তাহার দিক হইতে চকু ফিরাইয়া গেল, সে এক লাফে গৃহের বাহিরে গিয়া পড়িল, জোরে কবাটটি টানিয়া বন্ধ করিল এবং ডবল কুলুপ আঁটিয়া দিল। এক নিমেষের মধ্যে সকলি সম্পন্ন হইল এবং সারা শব্দ হইতে লাকাইয়া পড়িতে না পড়িতে সে বরাবর ছুটিয়া চলিল। সারা তাহাকে চিৎকার করিয়া ডাকিতে লাগিল, কিন্তু তাহাতে সে আরও দ্রুতবেগে চলিল। চলিতে চলিতে হঠাৎ আলিস্ বেমন একটি কোণ দিয়া ফিরিবে, মাঠুরিণী এবং বারবীরের সম্মুখে পড়িল।

মাঠুরিণী বলিল “মশাই! কেমন, এখন আমার কথায় বিশ্বাস করিতে চান? এই দেখুন সেই ছই বেটির এক জন পলাইবার চেষ্টা করিতেছে।” এই বলিয়া তিনি তাহার হাত জটকাইয়া ধরিলেন।

নির্দোষ বালিকা হঠাৎ এই প্রকারে ধৃত হইয়া হতবুদ্ধি হইয়া গেল। সে মাটির দিকে মস্তক নত এবং দৃষ্টি বন্ধ করিয়া চুপ করিয়া দাঁড়াইল।

বারবীর বলিলেন “বালিকা! বল, তুমি কোথায় যাইতেছ?”

আলিস্ কোন প্রত্যুত্তর না করায় মাঠুরিণী ঠোট খুলিলেন “বাবা ঠাকুর! ও আর কোথায় যাবে মনে করিছেন? ডাকাতের চর, ডাকাতদের কয়েদ করিয়া খুলিতে যাচ্ছে। আর ডাকাতেরা এখনি হোটেলের ধারে যদি লুকাইয়া না থাকে, আমি বা আমি সব মিথ্যা। আমাদের সবাইকে আনিয়া কেলিয়ার জন্য তিনবার লঙ্কতফানি

শুনিয়াছি, যদি না হয় আমার গলা কাটিয়া কেবল । এখন যদি জাগাই চান, যতক্ষণ রাত্রি না পোহার, আপনি উল্কে অন্ধ কারাগারে রাখিয়া দিউন, প্রভাত হইলে কেবল মাজিষ্ট্রেটের হাতে সমর্পণ করিব, তিনি অল্পক্ষণের মধ্যে উহার চূড়ান্ত নিষ্পত্তি করিয়া দিবেন ।”

বারবীর চাক্ষুষ প্রমাণেও যেন প্রত্যয় করিতে চান না, তিনি বলিতে লাগিলেন “ছূর্ভাগ্য বালিকা ! কথা কহিতেছ না কেন ? তুমি কোথায় যাইতেছ, আমাকে বল ।”

“মশাই ! আপনার যেমন ইচ্ছা আমাকে সেইরূপ দুও দিন ” আলিস্ এই বাক্যটী এমন মৃদু ও করুণস্বরে বলিল যে গৃহস্থানী ব্যথিতহৃদয় হইয়া বলিলেন “না, এমন স্বর—এমন কমনীয় মুখ যে কোন পাপে কলঙ্কিত, তাহাত কখনই সম্ভব নয় ।”

আলিস্ পুনরায় বলিল “আপনার যেমন ইচ্ছা আমাকে সেইরূপ দুও দিন” তৎপরে যেন ভয়াকুল হইয়া করবোড়ে বলিল “কিন্তু সারাকে গৃহের বাহির হইতে দিবেন না ! আমি তাহার গৃহ কুলুপবন্ধ করিয়া আসিয়াছি ।”

বারবীর বলিলেন “এ বালিকাটির ভাব গতিক কিছুই বুঝিতে পারি না । যাহাহউক হে বালিকে ! তোমাদের কি কথা আমি শুনিতে চাই, আমাকে বল—”

আলিস্ বলিল মহাশয় ! “রাত্রি প্রভাত না হইলে আমি আপনাকে কিছুই বলিতে পারিব না ।”

মার্চুরিনী কথা কাটিয়া বলিলেন “ঠিক কথা ! আমরা তোমার নিকট বড়ই ব্যথিত হইলাম । রাত্রি না পোহাইতে

পোহাইতে আমাদের টুঁটা কাটা যাক ” আলিস্ বলিল “মা  
ঠাকুরাণী ! আমাকে অন্ধ কারাগারে বা যেখানে ইচ্ছা বন্ধ  
করিয়া রাখুন, কিন্তু যতক্ষণ প্রভাত না হয়, কোন কারণে  
বাটার দ্বার খুলিবেন না, তাহাইলে আপনাদের কোন  
অনিষ্টের আশঙ্কা নাই।”

প্রলোভন বা ভয়প্রদর্শনে আলিসের নিকট হইতে আর  
কোন কথা বাহির করিতে না পারিয়া বারবীর তাহাকে  
একটা অন্ধকারময় কারাগারে রাখিতে বলিলেন এবং পরে  
হোটেলের দ্বারে একজন দ্বারবান রাখিয়া শয়ন করিতে  
গেলেন। কিন্তু কিছুতেই ঘুম হয় না দেখিয়া তিনি রাত্রি  
খাকিতেই উঠিলেন এবং সেই ক্ষুদ্র বালিকাকে কিছু জিজ্ঞাসা  
করিতে অথবা একবার তাহাকে দর্শন করিতে নিরতিশয়  
উৎসুক হইয়া তাহার নিকটস্থ হইলেন। কেন এত  
উৎসুক ? বালিকার মুখশ্রী, বালিকার স্বর, তাহার হৃদয়  
প্রোথিত বহু দিনের বিলুপ্ত স্মৃতির পুনরুদ্ধার করিয়া তাহাকে  
বিস্ময় সাগরে নিমগ্ন করিয়াছিল। একাদশ বর্ষ গত হইল,  
তিনি তাহার ছই বৎসরের কন্যাটিকে হারাইয়াছেন, তাহার  
কারণ কিছুই অবধারণ করিতে পারেন নাই। পারিসের  
নিকটবর্তী শিশু-পালনালয়ে কন্যাটি রক্ষিত হইয়াছিল।  
বালিকা হারাইয়াছে এই সংবাদ যখন প্রচারিত হইল, তখন  
ধাত্রীকে কিণ্ডাবস্থাপন্ন দেখা গেল, তাহার সেই কিণ্ডতা  
বালিকা হারাইবার পূর্ববর্তী কারণ অথবা পরবর্তী ফল তাহা  
কিছুর করিতে পারা যায় নাই। ধাত্রী কি উন্নতভাবেগে  
বালিকার প্রাণ সংহার করিল ? সাধারণের বিশ্বাস এইরূপ,

কিন্তু শোকাক্ত পিতা মাতা অনেক অহুসহান দ্বারাও বালিকার কোন সংবাদ লাভ করিতে পারেন নাই। মাতা-কন্যা-বিয়োগের পর পাঁচ বৎসর কাল জীবিত ছিলেন, তাঁহার লোকান্তর গমনাবধি বারবীর বিপত্নীক অবস্থার একমাত্র পুত্র লইয়া কালযাপন করিতেছিলেন।

কিন্তু এক্ষণে সেই হুঃখিনী ক্ষুদ্র বালিকা তাঁহার পত্নীরও বিলুপ্ত স্মৃতি আশ্চর্য্য রূপে পুনরুদ্ধীপিত করিয়া দিল। তিনি অবিকল সেই আকৃতি, সেই মুখশ্রী, সেই স্বরভঙ্গী পর্য্যন্ত বালিকাতে দেখিতে পাইলেন। ইহাতে আশা ও ভয় যে যুগপৎ উচ্ছ্বসিত হইয়া তাঁহার হৃদয়কে যোরতর আন্দোলনে আন্দোলিত করিবে তাহাতে আশ্চর্য্য কি? তিনি বালিকার বিষয়ে যত অনিশ্চিত, আশা ও ভয় তাঁহার হৃদয়ে ততই বর্দ্ধিত হইতে লাগিল।

মন হইতে এই চিন্তা দূর করিয়া একটু নিদ্রা সুখ লাভ করিতে না পারিয়াই বারবীর শয্যা হইতে উঠিলেন এবং একটা লণ্ঠন জালিয়া লইয়া যেখানে আলিস্কে বন্ধ করিয়া রাখাছিলেন, তথায় উপস্থিত হইলেন। গৃহে প্রবেশ করিয়া কোন শব্দ কর্ণগোচর না হওয়াতে একবার ভাবিলেন “সে এ ঘর হইতেও বা প্রস্থান করিল?” কিন্তু যখন লণ্ঠনের আলো ঘরের কোণে এক গাদ্দা খড়ের উপর পড়িল, দেখিলেন তথায় আলিস্ গভীর নিদ্রার নিমগ্ন আছে। তিনি নিষ্ঠুর হইয়া সুখনিদ্রা হইতে তাহাকে জাগাইতে পারিলেন না, কিন্তু অদূরে এক শিলা-খণ্ডোপরি উপবিষ্ট হইয়া [বালিকাটার মস্তকে তাহাতে

আলোক পড়ে এমন ভাবে লঠনটা রাখিলেন এবং ধীরে ধীরে তাহার মুখমণ্ডল পরীক্ষা করিতে লাগিলেন। নিজীবস্থাতেও বালিকাটির মুখে সংগোপিত ছঃসহ ছঃখের ছবি মুদ্রিত রহিয়াছে বোধ হইল; তাহার সুকুমার হৃদয় হইতে গভীর ছঃখখাস ঘন ঘন বহির্গত হইতেছিল; তাহার ফুটিত ওষ্ঠাধরের মধ্য হইতে একবার অক্ষুট আর্তস্বর নিঃসারিত হইয়া বারবীরের অন্তঃকরণ ব্যথিত করিতে লাগিল। তাদৃশ নিদ্রিতাবস্থায় বালিকাকে নিরীক্ষণ করিতে করিতে তিনি তাহার কণ্ঠে রেশম নিশ্চিত হরিদ্বর্ণ একটা কিতা অবলোকন করিলেন, তাহাতে এক খানি পদক ঝুলিতেছিল। দেখিবামাত্র তৎক্ষণাৎ তিনি তাহা মুঠা করিয়া ধরিলেন। কিন্তু তাঁহার ক্ষিপ্ত হস্ত চালনার আলিস্ জাগ্রৎ হইয়া উঠিল এবং রাত্ৰিকালে হঠাৎ এক ব্যক্তিকে শয্যার পার্শ্বে দেখিয়া আঁতকিয়া উঠিল।

বারবীর পদক খানি ধরিয়া বলিলেন “তুমি এটা কোথায় পাইলে?”

আলিস্ কিছু মাত্র প্রত্যুত্তর না দিয়া তাহা গলা হইতে খুলিয়া তাঁহার হস্তে দিল। পরে কিছু ব্যস্ত হইয়া বলিল “মহাশয়! অনুগ্রহপূর্বক এখানি আমাকে ফিরাইয়া দিবেন। আমার কণ্ঠ হইতে ইতিপূর্বে আর কখনও ইহা খুলি নাই।”

বারবীর তত্পরি অঙ্কিত কথা শুনি পাঠ করিলেন, কিন্তু আগমার চকুকে যেন বিশ্বাস করিতে না পারিয়া বলিলেন “ইহাতে কি খোদিত রহিয়াছে?”

আলিস্ বলিল “কখনও ছাড়িও না। এবং আমিও ইহাকে কখনও ছাড়ি না, সর্বদা কঠো ধারণ করিয়া থাকি।”

“হা জগদীশ্বর! তোমার কার্য্য মনুষ্য বুদ্ধির অগোচর। এত বৎসর ধরিয়া শোক সস্তাপ এবং বৃথা চেষ্টা করিয়া এখন কি আমার হারা ধন পাইলাম” বলিতে বলিতে বারবীরের কণ্ঠ রোধ হইল এবং আলিসের প্রতি স্থির দৃষ্টিপাত করিয়া বলিলেন—“বৎসে বল বল, আমার প্রতি দয়া করিয়া বল, কোথায় এ পদক পাইলে? কে তোমাকে ইহা দিয়াছে?”

আলিস্ বলিল “ইহা আমার আপনাই এবং সারার মুখে শুনিতে পাই আমার আরও অনেক অলঙ্কার ছিল, কিন্তু সে সকল সোনার বলিয়া দস্যুরা অপহরণ করিয়াছে, ইহার মূল্য বৎসামান্য বলিয়া ইহা লয় নাই।”

বারবীর বলিলেন “সারা! সারা কে?”

“যে বালিকাটিকে আমি ঘরে কুলুপ দিয়া আসিয়াছি। আমি নিশ্চয় বলিতে পারি, সে আমার বিষয় সব জানে, কিন্তু আমাকে বলে না।”

বারবীর তাড়াতাড়ি আলিসের হাত ধরিয়া বলিলেন “আমার সঙ্গে আইস।” তখন দিবা প্রকাশ হইয়াছে, আলিস্ তাহা দেখিবা মাত্র আপনা হইতে বলিয়া উঠিল “ঈশ্বরকে ধন্যবাদ, সব বিপদ কাটিয়া গিয়াছে।”

বারবীর তাহার হাত ধরিয়া দ্রুতগতি চলিতে চলিতে জিজ্ঞাসা করিলেন “কি বিপদ?”

“মহাশয়! এখন সকল অবগত হইবেন। কিন্তু আমি মিনতি করি সারাকে ক্ষমা করিবেন।”



বারবীর তাড়াতাড়ি বন্ধ গৃহের দিকে চলিতেছেন, পথে মাঠুরিণীর সহিত সাক্ষাৎ হইল। পরিচারিকা জিজ্ঞাসিলেন “মহাশয়! কোথায় যাইতেছেন?” কিন্তু কোন উত্তর না পাওয়াতে সঙ্গে সঙ্গে যাওয়াই শ্রেয়স্বর বোধ করিলেন, এইরূপে তিন জনে একত্রে কুঠারির দ্বারে উপস্থিত হইলেন। দ্বার খুলিয়া দেখিলেন সারা অবিরল অশ্রুবর্ষণ করিতেছে। বারবীর একবারে তাহার নিকট গিয়া আলিসের প্রতি অঙ্গুলি নির্দেশ পূর্বক জিজ্ঞাসা করিলেন “সারা! এ বালিকা কে? আমাকে সত্য সত্য বলিবে, ঠিক কথা বলিলে তোমার কোন বিপদ হইবে না।”

সারা বলিল “সূর্য্যোদয় হইয়াছে আমার আপনাদের লোকেরা চলিয়া গিয়াছে আমি এ পৃথিবীতে এখন একাকী; অতএব সত্য বলিতে আর আমার বাধা কি? আপনি আমাকে যারিতেও পারেন রাখিতেও পারেন।”

বারবীর ব্যস্ত হইয়া বলিলেন “বিলম্ব করিও না, শীঘ্র বল।”

সারা তখনও ক্রন্দন করিতে করিতে বলিতে লাগিল “আলিস এবং আমি উভয়েই একদল বেদিয়ার লোক। গত রাত্রে তাহারা পারিস ত্যাগ করিয়া চলিয়া যাইবে এবং আমরা তাহাদের তরে হোটেলের দ্বার খুলিয়া দিব এইরূপ স্থির ছিল। আমি এ কার্য সম্পন্ন করিতাম, আলিস কেবল আমাকে কুলুপ দিয়া রাখিয়া করিতে দেয় নাই। অবিকল সত্য বাহা আপনাকে বলিলাম।”

মাঠুরিণী গলা খুলিয়া বলিলেন “আমিও আগে বলিয়াছিলাম—গৃহস্থানী যদি রাগান্বিত ভাবে তাহাকে ছুপ না

করাইতেন, তিনি যে কত প্রকারে আপনার পরিণামদর্শিতা ও বুদ্ধি চাতুর্যের দস্ত করিতেন বলা যায় না। বারবীর অন্য কথায় মনোযোগ না দিয়া বলিলেন,

“কিন্তু আলিস—আলিস! এ কে? কোথা হইতে আলিস আমাকে বল, আমি আর কিছু জানিতে চাই না।”

সারা বলিল “মহাশয়! ও আমারি ন্যায় একজন অপহৃত বালিকা, বিশেষ এই, সে যেখান হইতে চুরি গিয়াছে আমি জানি; কিন্তু এক ব্যক্তি মাত্র আমার বিষয় জানিত, সে মরিয়া গিয়াছে।”

এখনও সকল কথা ভাবিয়া না বলাতে বারবীর অস্থির হইয়া বলিলেন “আচ্ছা বালিকা, তার পর?”

সারা বলিল “একাদশ বৎসর গত হইল, মাতা বক্রচিনীর সহিত আমি পারিসের চারিদিক ভ্রমণার্থ বাহির হইয়াছিলাম। আমি যখন ভিক্ষা করিতাম, কেহ কখন কিছু না দিয়া থাকিতে পারিত না। তাহার কারণ এই আমি অতি ভাল মানুষের বেশ ধরিতাম এবং মিষ্ট কথা ও লোকতুলান অনেক উপায় শিখিয়াছিলাম, তাহাতে লোক মুগ্ধ হইত। এক দিন যেমন একটা পর্ণশালার ধার দিয়া যাইতেছি, মাতা বক্রচিনী একটু জলপানার্থ ঐ গৃহ মধ্যে প্রবেশ করিলেন। সেখানে কেহ ছিল না, কেবল দোলার উপর একটা বালিকা ঘুমাইয়াছিল, তাহার গায় অতি উত্তম কেব্রিক ও জরীর পোষাক এবং তাহার গলায় এক ছড়া সোনার হার ছিল বেশ স্মরণ হইতেছে। মা বক্রচিনী শিশুটিকে তুলিয়া লইলেন এবং চিলের মত এত শীঘ্র ছুটিয়া গেলেন যে আমি তাহার সঙ্গ

ধরিতে পারিলাম না। পরে দেখি একটি ঘোপের মধ্যে  
 প্রবেশ করিয়া তিনি বালিকার বস্ত্রালঙ্কার হরণ করিতেছেন।  
 উহার গলায় সবুজ ফিতার বাঁধা একখানি পদক ছিল, বস্ত্র-  
 চিনী যখন তাহা খুলিতে গেলেন, বালিকা আধ আধ স্বরে  
 “কখন ছালিও না—কখনও ছালিও না” এই বলিয়া আধ  
 আধ স্বরে এমন চিৎকার করিয়া উঠিল যে তিনি আর না  
 খুলিয়া রাখিয়া দিলেন। তৎপর দিবস আমরা পারিস  
 ছাড়িলাম এবং বেদিয়ারা বালিকাটিকে সঙ্গে করিয়া লইয়া  
 যাওয়াই শ্রেয়স্কর বোধ করিল।”

বারবীর বালিকাটিকে বুকে করিয়া আনন্দে চিৎকার  
 করিতে লাগিলেন “আমার কন্যা, আমার কন্যা! আমার  
 বেশ মনে পড়িতেছে, তোমার মাতা সর্বদা ঐ কথা শুলি  
 বলিতেন এবং যখন তোমার গলায় ঐ পদক পরাইয়া দেন,  
 তাহাতে উহা অঙ্কিত করিয়া দিয়াছিলেন। বার বার ঐ  
 কথা শুলিয়া তোমার শুকনো কানার উহা উচ্চারণ করিতে  
 শিখিয়াছিলে। তাহাতেই কেহ তোমার গলা হইতে পদক  
 খুলিতে পারিত না, আমিও যখন খুলিতে যাইতামু “কখনও  
 ছালিও না কখন ছালিও না” এই কথা বলিতে। কিন্তু  
 হে প্রাণের ছহিতা! যে করুণাময় পরমেশ্বর ভয়ানক এক  
 দল বন্দ্যুর মধ্যে তোমাকে নির্দোষ এবং ধর্মনিষ্ঠ করিয়া রক্ষা  
 করিয়াছেন; যে অপরিচিত ব্যক্তির ক্রতি নিবারণ করিতে  
 তুমি এত প্রয়াস করিয়াছিলে তাহাকেই আবার যিনি  
 তোমার পিতা বলিয়া পরিচিত করিয়া তোমার পুরস্কার  
 করিবার তাহাকে আমি কি বলিয়া ধন্য বাস দিব?”

বাহাইউক আলিসের পক্ষে বিশ্বর ও আনন্দের দুঃসহ হইল। সে তাহা সংবরণ করিতে না পারিয়া পিতার ক্রোধ মধ্যে মুচ্ছিত হইয়া পড়িল। আদর, সাধনা এবং স্নেহবাক্য কাহাকে বলে অভাগিনী বালিকা এতকাল জানিত না ; এখন পুনরায় চৈতন্য লাভের সঙ্গে সঙ্গে তাহা লাভ করিতে লাগিল। তাহার পিতা ভ্রাতার সহিত তাহাকে দেখা করাইতে অতি ব্যস্ত হইলেন এবং বলিলেন “আইস আইস কন্যা জগতের সকলকে আজি আমার হারান ধন দেখাইবার জন্য আমি নিতান্ত অধীর হইয়াছি।”

আলিস্ গদ গদ স্বরে করযোড়ে বলিল “কিন্তু পিতা সারা—”

“কন্যা ! তুমি যদি ইচ্ছা কর, সারা তোমার সঙ্গে বরাবর থাকিবে।”

প্রাচীনা বলিলেন “বাছা, তুমি তাহাকে কি আর বিশ্বাস করিতে পার ?”

সারা বলিল “আমি যদি একবার অঙ্গীকার করি, আলিস্ অঙ্গীকারে বিশ্বাস করিতে পারে। আমি অঙ্গীকার করিতেছি, আলিসের ধ্যায় সচরিত্র হইতে সচেষ্ট হইব।”

আলিস্ বলিল “আরও আমি ঈশ্বরের নিকট প্রার্থনা করিব, তিনি আমাদের উভয়কে যেন ভাল করেন। তাহারা আমাদের মনে যে অসৎ বিষয় সকল শিক্ষা দিতে চেষ্টা করিত, তাহা হইতে আমাদের যেন উদ্ধার করেন। ঈশ্বরের নিকট কি বলিয়া প্রার্থনা করিতে হয়, আমি শিখিয়াছি।”

‘আমার হৃদয়ে পুনরায় পবিত্র ভাবের সঞ্চার করিয়া দেও।’

বারবীর বলিলেন “প্রাণের হুহিতা! জীবন তোমার প্রতি বেকুপ বিশেষ করুণা প্রদর্শন করিয়াছেন, তুমি স্পষ্ট সপ্রমাণ হইতেছে যে আমাদের যদি সংকার্য্য করিবার যথার্থ সরল অভিপ্রায় থাকে, কোন অবস্থাই তাহার প্রতিবন্ধক হইতে পারে না।”

সম্পূর্ণ।

---

ভিক্টোরিয়া প্রেসে মুদ্রিত।



